

PROME ENCUENTRO
BIENAL ARTE
CONTEMPORANEO
DI CARIBE.
ARUBA
2011-2012

Edicion # 1 ta cla

Entrega oficial di *Projectpresentation*



Fundacion Encuentro Prome Bienal di Aruba ta organisa e proyecto Prome Encuentro Bienal di Arte Contemporaneo di Caribe, Aruba 2011-2012. Un grupo di trabou ta trahando for di aña pasa riba e pre-produccion. Awemainta presidente di e fundacion, Alida Martinez, a entrega e prome ehemplar di e presentacion di e proyecto na Minister di Cultura, sra. Michelle Hooyboer-Winklaar.

Prome Encuentro Bienal di Arte Contemporaneo di Caribe, Aruba 2011-2012 ta un proyecto di arte contemporaneo cu lo tuma lugar cada 2 aña. E presentacion cu a entrega na minister Hooyboer-Winklaar ta describi e diferente aspectonan di e

proyecto. Tambe e ta duna un bista riba e estructura di traha y tur e actividadnan cu publico lo por spera.

E **Prome Encuentro Bienal Arte Contemporaneo di Caribe, 2011-2012** ta un ciclo di actividad durante algun luna, cu lo refleha un variedad di interes tematico relaciona cu e ambiente Caribense actual y su arte. E encuentro bienal lo tin artistanan y criticonan local, di Caribe y internacional como invitado, hendenan creativo y artistico cu lo exponi nan obranan na Aruba y lo comparti nan experiencia profesional pa asina deleita, educa y informa un publico diverso. E meta principal di e proyecto ta pa promove comunicacion y cooperacion y entrecambio entre artistanan di Caribe. Ta e intencion pa laga tur hende disfruta di arte.

Curador Lic. Jose Manuel Noceda Fernandez a selecta diferente artista contemporaneo local pa participa na e proyecto aki. Artistanan local invita ta Ciro Abath, Nelson Gonzalez, Glenda Heyliger, Stan Kuiperi, Osaira Muyale, Ryan Oduber, Ken Wolff. Otro artistanan cu lo participa di Caribe



Fundacion Encuentro Prome Bienal di Aruba- Paradera Park 213- Ph. # 588 6868- Email: info@encuentroartaruba.org
Website: www.encuentroartaruba.org- Kvk # S 1176 - Aruba Bank # 245 3730 190.

ta di Barbados, Cuba, Corsou, Guadeloupe, Guyana, Haiti, Jamaica, Martinique, Puerto Rico, Republica Dominicana, St. Maarten, Surinam y por ultimo Trinidad & Tobago.

Titulo di e tematica pa e Prome Encuentro Bienal ta **'Happy islands'**. Manifestacionnan asina ta wordo construi rond di un tematico specifico. Un tematico cu ta relevante pa Caribe y den e caso aki muy en especial pa Aruba. Happy islands ta dirigi su mes riba e manera di interpreta Caribe cu su complehidad y contradicionnan. For di e perspectivoproblematico y di reflexion ta cuestiona e Caribe di awe. E artistanan contemporaneo ta produci obra segun e tematica. E artista ta usa su propio idea y tecnica preferi y pa medio di su obra ta expresa un sentimiento of opinion encuanto e tema. Esaki den su estilo unico cu el a sa di desaroya durante su carera. ida



Martinez a haci entrega di e *projectpresentation* tambe na Managementteam di Directie Cultuur, srta. **Zahira Zaandam** y señora **Vicky Arens-Tjon a Tjoe**. Algun colega di Directie Cultuur a bishita Cede Bienal dialuna mainta pa haya mas informacion di e proyecto y pa asina por yuda informa mas tanto hende.

Un *projectpresentation* a bay tambe pa e coleccion di Departamento Arubiana. Directora di Biblioteca Nacional Aruba sra. **Astrid Britten** y su colega Sra. **Des Croes** a

haci e grupo di trabou na Cede Bienal un bishita. Biblioteca Nacional Aruba ta un partner den e proyecto como localidad pa exposicion y un punto di informacion pa publico. Interesadonan lo por haya mas informacion di e proyecto aki na Dept. Arubiana na Bachstraat.

Prins Bernhard Cultuurfonds Nederlandse Antillen en Aruba ta subsidia un parti di e proyecto. E fundacion a pidi subsidio y sosten financiero cerca diferente fondo cultural tanto local como na Hulanda pa por cubri gastonan di operacion.



E fundacion cu ta organisa e proyecto aki ta Fundacion Encuentro Prome Bienal di Aruba, cu su sede na Paradera 213. Curador general ta Sr. José Manuel Noceda Fernández di Cuba y co-curador: Alida Martínez, artista contemporaneo. Pa mas informacion por bishita www.encuentroartaruba.org